

O'ZBEKISTON RESPUBLIKASI  
OLIY VA O'RTA MAXSUS TA'LIM  
VAZIRLIGI HUZURIDAGI  
"MA'NAVIYAT VA MA'RIFAT"  
MARKAZI



"SPIRITUALITY AND EDUCATIONAL"  
CENTRE UNDER THE HIGH AND  
SECONDARY MINISTRY OF  
EDUCATION THE  
REPUBLIC OF UZBEKISTAN

100095, Toshkent shahar, Talabalar shaharchasi, Talabalar ko'chasi, 70  
Telefon: (998-71) 246-95-43 Faks: (998-71) 246-64-75  
e-mail: mm.markaz@umail.uz

100095, Tashkent city, Talabalar city, Street Talabalar, 70  
Phone: (998-71) 246-95-43 Fax: (998-71) 246-64-75  
e-mail: mm.markaz@umail.uz

06.01.2020 № 01-07/20

**Олий таълим муассасалари  
ректорлари ва филиаллар  
директорларига**

Олий таълим муассасаларида ўтказиладиган "Ахборот ва мураббийлик соати" машғулотлари Намунавий режасига мувофиқ, 2019/2020-ўқув йилининг ўн тўққизинчи ҳафтасида ўтказиладиган "Ахборот ва мураббийлик соати" машғулотлари материаллари иловага мувофиқ юборилмоқда.

Шу муносабат билан, Сиздан мазкур ҳафта давомида ўтказиладиган "Ахборот ва мураббийлик соати" машғулотларини **"Мардлар кўриқлайди Ватанни!"** мавзусида юқори савияда ўтказилишини таъминлашингиз сўралади.

Машғулотлар вазирликнинг 2019 йил 24 августдаги 87-02-1986-сонли хатида қайд этилган қуйидаги эслатмалар асосида ташкиллаштирилиши лозим:

"Ахборот ва мураббийлик соати" 4 боскичдан иборат бўлади.

**1-боскич (20 дақиқа).** Ахборотлардан хабардорлик ва янги норматив-ҳуқуқий ҳужжатлар билан қисқача танишиш. Мазкур масала бўйича матн ҳар бир олий таълим муассасаси томонидан дарс ўтиладиган кундан бир кун аввал тайёрланади.

**2-боскич (20 дақиқа).** Ахборот соати мавзусини ёритиш. Бу боскич иловада берилган мавзу матни асосида ўтказилади.

**3-боскич (20 дақиқа).** Талабалар билан фазилатлардан бири ҳақида суҳбатлашиш ва шу фазилатни кенг тарғиб қилиш. Мазкур фазилатнинг зидди бўлган иллатдан сакланишга чорлаш. Ҳар бир мавзуда келтирилган фазилат маъно-мазмунини ёритилиб, улар ҳақида ҳадис, мақол, ҳикматли сўз, ривоят ва бошқалар келтирилиши лозим.

**4-боскич (20 дақиқа).** Бадий адабиётлар билан танишиш боскичи. Мазкур боскичда албатта шу ой учун мўжалланган китоб ҳақида қисқача маълумот берилиши лозим.

Дарс ўтиш ҳафтасидаги вазиятга қараб мавзулар олий таълим муассасалари томонидан ўзгартирилиши ёки бойитилиши мумкин.

Илова: 15 бет.

Ҳурмат билан,  
"Маънавият ва маърифат"  
маркази директори



*[Signature]* О.А.Худайназаров



Марказнинг 2019 йил "06" январдаги  
01-07/10 -сонли хатига илова

**ЎЗБЕКИСТОН РЕСПУБЛИКАСИДАГИ ИҚТИСОДИЙ,  
ИЖТИМОИЙ-СИЁСІЙ ВОҚЕАЛАРГА ДОИР  
МАЪЛУМОТЛАР**

**ЎЗБЕКИСТОН РЕСПУБЛИКАСИ ФАРМАЦЕВТИКА ТАРМОҒИДА  
ИСЛОҲОТЛАРНИ ЧУҚУРЛАШТИРИШГА ДОИР ҚЎШИМЧА ЧОРА-  
ТАДБИРЛАР ТЎҒРИСИДА**

Ўзбекистон Республикаси Президентининг  
қ а р о р и

<http://uza.uz/oz/documents/zbekiston-respublikasi-farmatsevtika-tarmo-ida-islo-otlarni--30-12-2019>

**ЎЗБЕКИСТОН РЕСПУБЛИКАСИНING "2020 ЙИЛ УЧУН  
ЎЗБЕКИСТОН РЕСПУБЛИКАСИНING ДАВЛАТ БЮДЖЕТИ  
ТЎҒРИСИДА"ГИ ҚОНУНИ ИЖРОСИНИ ТАЪМИНЛАШ ЧОРА-  
ТАДБИРЛАРИ ТЎҒРИСИДА**

Ўзбекистон Республикаси Президентининг  
қ а р о р и

<http://uza.uz/oz/documents/zbekiston-respublikasining-2020-yil-uchun-zbekiston-respubli-31-12-2019>

**ШАВКАТ МИРЗИЁЕВ: 2020 ЙИЛ ЁШЛАРГА ОИД ДАВЛАТ  
СИЁСАТИДА ТУБ БУРИЛИШ ЙИЛИ БЎЛАДИ**

Ўзбекистон Республикаси Президенти Шавкат Мирзиёев 27 декабрь куни Мухаммад ал-Хоразмий номидаги мактабда ёшлар билан учрашув ўтказди.

Охири йилларда ўсиб келаётган авлодга ёшларга оид давлат сиёсатининг ҳуқуқий асослари мустахкамланиб, ёшлар масалалари бўйича республика идоралараро кенгаши тузилди.

Ўзбекистон ёшлар иттифоқи ташкил этилиб, 30 июнь ёшлар куни деб эълон қилинди. Ҳозирда Иттифокнинг 7 миллион 690 минг нафар аъзоси мавжуд.

Жойларда 8 нафар ёш авлод вакиллари ҳоким ўринбосари этиб тайинланган. Яқинда бўлиб ўтган сайловларда Олий Мажлис Қонунчилик палатаси депутатлигига 9 нафар йигит-қиз сайланган, маҳаллий кенгашларда ғалаба қозonganларнинг қарийб 10 фоизини ёшлар ташкил этади.

– Ёшлар орасида “Мен Сизнинг ёнингизда туриб, камарбаста бўламан!” деб кўзи ёниб турган, билимли, жасоратли йигит-қизлар борлигига ишонаман. Етакчилиكنинг, ўз ортидан эргаштиришнинг энг тўғри йўли шахсий ўрнат ва намуна бўлишидир, – деди Президент.

Учрашувда ёшлар ҳаётидаги муаммолар, долзарб вазифалар муҳокама қилинди.

Юртимизда ёш раҳбарларни саралайдиган, уларнинг лаёқатига мос лавозимларни тақлиф этадиган самарали механизм мавжуд эмаслиги айтиб ўтилади.

Глобаллашув шароитидаги хавф-хатарлар ва мафкуравий хуружлар ҳақида сўз борар экан, Президент маърифатпарвар бобомиз Фитратнинг “Бу дунё кураш майдонидир.

Соглом тан, ўткир ақл ва яхши ахлоқ бу майдон куролидир”, деган сўзларини ёдга олди.

Ёшлар ўртасида ҳуқуқбузарлик ва жиноятчилик, оилавий ажримларнинг олдини олиш бўйича тегишли ташкилотлар раҳбарларига кўрсатмалар берилди.

Беш ташаббуснинг ҳар бир йўналишини туман ва шаҳарларда тизимли амалга ошириш бўйича вазифалар белгиланди.

Ўтган йили мамлакатимизда буюк аллома Мухаммад ал-Хоразмий номидаги Ёш математиклар халқаро олимпиадаси муваффақиятли ўтказилган эди. Давлатимиз раҳбари ушбу тажриба асосида физика бўйича Ахмад Фарғоний, кимё фани бўйича Абу Райхон Беруний, биология бўйича Абу Али ибн Сино, астрономия бўйича Мирзо Улугбек номидаги халқаро фан олимпиадалари ташкил этиш тақлифини илгари сурди.

Ёшлар иттифоқи негизида Ёшлар ишлари агентлиги ташкил этиш ташаббуси йиғилганлар томонидан қўллаб-қувватланди.

Ўсиб келаётган авлод аудиториясига йўналтирилган теле - радиоканаллар, босма нашрларни бирлаштириб, “Ёшлар медиа холдинги” ташкил этиш тақлифи ҳам билдирилди.

– Янги Ўзбекистонни, албатта, ёшлар билан бирга курашимиз. 2020 йил ёшларга оид давлат сиёсатида туб бурилиш йили бўлади, – дея таъкидлади Президент.

Очик мулоқот тарзида ўтган учрашувда навқирон авлод вакиллари ўз фикр-мулоҳазаларини билдирди. Давлатимиз раҳбари уларнинг тақлифлари бўйича мутасаддиларга топшириқлар берди.

Йиғилишни видеоконференция орқали мамлакатимизнинг барча ҳудудларидаги ёшлар кузатиб борди.

**ЎЗБЕКИСТОН ПРЕЗИДЕНТИ ҚОЗОҒИСТОННИНГ БИРИНЧИ  
ПРЕЗИДЕНТИ БИЛАН ТЕЛЕФОН ОРҚАЛИ МУЛОҚОТ ҚИЛДИ**

Ўзбекистон Республикаси Президенти Шавкат Мирзиёев 30 декабрь куни Қозоғистон Республикасининг Биринчи Президенти - Ўлбоши Нурсултон Назарбоев билан телефон орқали мулоқот қилди.

Шавкат Мирзиёев ва Нурсултон Назарбоев кириб келаётган янги - 2020 йил муносабати билан бир-бирларини самимий қўтлаб, эзгу тилаklarини изҳор қилдилар.

Яқунига етаётган йилда Ўзбекистон ва Қозоғистон ўртасидаги кўп асрилик дўстлик, яхши қўшничилик ва стратегик шериклик муносабатларини мустаҳкамлашда муҳим натижаларга эришилгани таъкидланди.

Ўзаро товар айирбошлаш ҳажми изчил ортиб бормокда, саноат ва транспорт соҳаларидаги кооперация кенгаймоқда, ҳудудлараро ва гуманитар



алокалар фаоллашди. Ўзбекистонда Қозоғистон йили доирасидаги тадбирлар муваффақиятли ўтказилди.

Жорий йилнинг ноябрь ойида Тошкент шаҳрида ўтган Марказий Осиё давлатлари раҳбарлари иккинчи Маслаҳат учрашувининг самарали натижалари катта мамнуният билан қайд этилди.

Икки томонлама ҳамкорликка оид, минтақавий ва халқаро аҳамиятга молик долзарб масалалар юзасидан фикр алмашилди.

## **ЎЗБЕКИСТОН ВА ҚИРГИЗИСТОН ПРЕЗИДЕНТЛАРИ ТЕЛЕФОН ОРҚАЛИ МУЛОҚОТ ҚИЛДИЛАР**

Ўзбекистон Республикаси Президенти Шавкат Мирзиёев 30 декабрь кунини Қирғиз Республикаси Президенти Сооронбай Жээнбеков билан телефон орқали мулоқот қилди.

Сухбат аввалида давлат раҳбарлари кириб келаётган Янги йил муносабати билан бир-бирларига самимий табрик ва эзгу тилаклар билдирдилар.

Таъкидлаш жоиз, 2019 йил мамлакатларимиз ўртасидаги дўстлик, яхши кўшниччилик ва стратегик шериклик муносабатларини мустаҳкамлашда муҳим босқич бўлди.

Ўзаро алоқалар жалдлашди, савдо кўрсаткичлари икки баробар ўсди, саноат ва транспорт соҳаларида кооперация лойиҳалари илгари сурилмоқда, ҳудудлар ўртасидаги ва маданий-гуманитар ҳамкорлик кенгайиб бормоқда.

Сухбатда давлат раҳбарлари Тошкент шаҳрида ўтган Марказий Осиё давлатлари раҳбарларининг иккинчи Маслаҳат учрашуви якунларини юксак баҳоладилар.

Ўзбекистон-Қирғизистон ҳамкорлигининг истиқболлари ҳамда 2020 йилга мўлжалланган икки томонлама тадбирлар режаси ҳам кўриб чиқилди.

## **ШАВКАТ МИРЗИЁЕВ ВА ГУРБАНГУЛИ БЕРДИМУХАМЕДОВ ТЕЛЕФОН ОРҚАЛИ СЎЗЛАШДИЛАР**

Ўзбекистон Республикаси Президенти Шавкат Мирзиёев 30 декабрь кунини Туркменистон Президенти Гурбангули Бердимухамедов билан телефон орқали мулоқот қилди.

Икки кардош мамлакат раҳбарлари кириб келаётган Янги йил муносабати билан бир-бирларини самимий қутладилар.

Жорий йил ноябрь ойида Туркменистон Президентининг Ўзбекистонга амалга оширган ташифи ҳамда Марказий Осиё давлатлари раҳбарларининг Тошкентда ўтган иккинчи Маслаҳат учрашувининг самарали натижалари мамнуният билан қайд этилди.

Яхши кўшниччилик ва стратегик шериклик руҳидаги муносабатлар мустаҳкамлангани, экспорт-импорт амалиётлари ҳажмининг ошгани, энергетика, кишлоқ ҳўжалиги, саноат ва транспорт соҳаларида кооперация лойиҳалари амалга оширилаётгани икки томонлама ҳамкорликнинг муҳим натижалари сифатида эътироф этилди.

Маданий-гуманитар алмашинувларни кенгайтириш муҳим экани таъкидланди.

Сухбат чоғида минтақавий ҳамкорлик ва халқаро сиёсатга доир масалалар ҳам муҳокама қилинди.

## **ЎЗБЕКИСТОН РЕСПУБЛИКАСИ ПРЕЗИДЕНТИ ШАВКАТ МИРЗИЁЕВ 30 ДЕКАБРЬ КУНИ ТӨЖИКИСТОН РЕСПУБЛИКАСИ ПРЕЗИДЕНТИ ЭМОМАЛИ РАҲМОН БИЛАН ТЕЛЕФОН ОРҚАЛИ МУЛОҚОТ ҚИЛДИ**

Давлат раҳбарлари янги – 2020 йил кириб келаётгани муносабати билан бир-бирларини самимий табрикладилар.

Жорий йил кўп асрлик дўстлик, яхши кўшниччилик ва стратегик шериклик алоқалари янада ривожланган ва мустаҳкамланган давр сифатида икки томонлама муносабатлар тарихида қолиши таъкидланди.

Ҳукуматлар, парламентлар ва ҳудудлар, жумладан, Тошкент ва Душанбе шаҳарлари ўртасидаги ҳамкорлик кенгайиб бормоқда. Ўзаро савдо ҳажми салмоқли даражада ошмоқда, иқтисодиёт тармоқларида кооперация лойиҳалари амалга оширилмоқда, маданий-гуманитар алоқалар мустаҳкамланмоқда.

Сухбат чоғида халқаро ва минтақавий аҳамиятга молик долзарб масалалар юзасидан фикр алмашилди.

Жорий йил ноябрь ойида пойтахтимизда ўтган Марказий Осиё давлатлари раҳбарлари иккинчи Маслаҳат учрашувининг натижалари муҳим аҳамиятга эга эканлиги алоҳида таъкидланди.

## **ЎЗБЕКИСТОН ПРЕЗИДЕНТИНИНГ ТУРКИЯ ПРЕЗИДЕНТИ БИЛАН ТЕЛЕФОН ОРҚАЛИ МУЛОҚОТИ ТЎҒРИСИДА**

Ўзбекистон Республикаси Президенти Шавкат Мирзиёев 31 декабрь кунини Туркия Республикаси Президенти Режеп Таййип Эрдоғон билан телефон орқали мулоқот қилди.

Давлат раҳбарлари кириб келаётган Янги йил билан бир-бирларини самимий қутладилар.

2019 йил мамлакатларимиз ўртасидаги дўстлик ва стратегик шериклик муносабатларини мустаҳкамлашда муҳим бўлгани мамнуният билан таъкидланди. Ўзбекистоннинг Туркий тили давлатлар ҳамкорлик кенгашига тула ҳуқуқли аъзо сифатида киришининг тарихий аҳамияти қайд этилди.

Турли даражадаги алоқалар сезиларли фаоллашди, ўзаро манфаатли савдо-иқтисодий ва инвестициявий ҳамкорлик изчил ривожланмоқда, истиқболли қўшма лойиҳалар амалга оширилиб, илмий-техник ва маданий-гуманитар алмашинувлар кенгаймоқда.

Мулоқотда Президентлар бўлажак олий даражадаги учрашувлар сиёсат, иқтисодиёт, транспорт коммуникациялари, туризм, таълим, соғлиқни сақлаш ва бошқа йўналишлардаги ўзаро манфаатли шерикликни янада мустаҳкамлаш учун муҳим аҳамият касб этганини таъкидладилар.

Шунингдек, халқаро ва минтақавий аҳамиятга молик масалалар юзасидан фикр алмашилди.



## ШАВКАТ МИРЗИЁЕВ: РАҚАМЛАР ЭМАС, НАТИЖА ЗАРУР

Ўзбекистон Республикаси Президенти Шавкат Мирзиёев 2019 йилнинг охириги иш кунда парламент палаталари раҳбарлари, ҳукумат аъзолари, вазирлик ва идоралар мутасаддилари билан учрашиб, йил якунларини сарҳисоб қилди ва 2020 йилдаги муҳим вазифаларни белгилаб берди.

Мамлакатимизда барча соҳаларда дадил ислохотлар амалга оширилмоқда. Иқтисодиёт тармоқларини замон талаблари асосида модернизация қилиш, ҳудудларнинг имкониятларини тўла юзага чиқариб, аҳоли фаровонлигини оширишга қаратилган ҳуқуқий ҳужжатлар қабул қилинмоқда. Ташлаббос ва таклифлар қўллаб-қувватланиб, молиявий, ташкилий жиҳатлари ҳал қилиб берилмоқда.

Бундай кенг қўламли ишлар натижаси ҳар бир жабҳада сезилипти. Илгари иложсиздек туюлган масалаларга ечим топишмоқда. Энг муҳими, халқнинг турмуш шароитлари яхшиланмоқда, оддий одамлар давлатдан, ҳаётдан рози бўляпти.

Юртимиздаги ўзгаришларни жаҳон ҳамжамияти ҳам тан олмоқда. Хусусан, дунёдаги энг нўфузли нашрлардан бири бўлган Буюк Британиянинг “Экономист” журнали Ўзбекистонни 2019 йилда энг жадал ислохотларни амалга оширган давлат – “Йил мамлақати” деб эътироф этди.

Шунингдек, Жаҳон банкининг 2019 йилдаги “Бизнес юритиш” рейтингда ҳам Ўзбекистон энг илғор ислохотчи мамлакатлар қаторидан ўрин олди.

Бундай муваффақиятлар 2020 йилда ҳам давомли бўлиши, янада яхшиланishi учун тармоқлар ва ҳудудларни ривожлантириш бўйича қабул қилинган қарорларни бажариб, энг юқори натижаларни таъминлаш лозим.

Давлатимиз раҳбари бугун эришилган натижалар ҳали марра эмаслиги, олдимизда аҳолининг турмуш шароитини янада яхшилаш, мамлакатимизнинг иқтисодий қудратини ошириш, имкониятлардан кенгроқ фойдаланиш учун 2020 йил синов йили бўлишини таъкидлади.

Йиғилишда 2019 йилда йўл қўйилган ҳатолардан тўғри хулоса чиқариб, 2020 йилга белгиланган чора-тадбирларни амалга ошириш, масъул ижрочилар ва муддатларни белгилаб олиш зарурлиги таъкидланди. Шунингдек, бевосита жойларга бориб, уларнинг ижросини ташкил қилиш ва доимий назоратни таъминлаш кераклиги айтиб ўтилди.

Вазирлар Маҳкамаси ижро ҳокимияти фаолиятини самарали ташкил этиб, ҳар бир вазирлик, давлат қўмитаси ва бошқа идораларнинг 2020 йил ҳараги учун фаолият самарадорлиги кўрсаткичларини ишлаб чиқиб, ижросини қатъий назоратга олиши зарурлиги қайд этилди.

Келгуси йилда давлат қорхоналарини самарали бошқариш ва иқтисодиётда давлат улушини камайтириш бўйича жиддий ўзгаришлар қилиш зарурлиги таъкидланди.

Инвестиция дастуридаги инфратузилма объектларини қуриш ва ишга тушириш бўйича янги тизим жорий этиш, транспорт, айниқса, темир йўл ва авиация соҳасида бошланган ислохотларни жадаллаштириш вазифаси қўйилди.

Қурилиш-қудрат ва лойиҳа бозорини тартибга солиш, бу бозорда эркин рақобат муҳитини ва замонавий шаҳарсозлик метёбларини жорий этиш, қурилишни арзонлаштириш бўйича топшириқлар берилди. Шу билан бирга, ичимлик суви, иссиқлик таъминоти соҳасидаги долзарб вазифаларни амалга ошириш зарурлиги кўрсатиб ўтилди.

Макроиктисодий барқарорликни таъминлаш, инфляцияни пасайтириш, нарх-навоини шакллантиришни тўлиқ бозор муносабатларига ўтказиш, эркин рақобат муҳитини шакллантириш бўйича кўрсатмалар берилди.

Шунингдек, истеъмол товарларни, айниқса, озиқ овқат маҳсулотларини ишлаб чиқаришни кенгайтириш ва харажатларни камайтириш орқали нарх-навоинг кескин ошишига йўл қўймаслик керак.

Банк тизимидаги ислохотларни давом эттириш, қулай ва сифатли банк хизматларини кенгайтириш ҳам муҳимлиги таъкидланди.

Халқимизда тадбиркорлик ташаббусларини ошириш, боқимандалик қайфиятидан ҳалос этиш масалаларига ҳам эътибор қаратилди. Мамлакатимизда қулай бизнес муҳитини яратиш, жумладан, солиқ маъмуричилигини янада такомиллаштириш, ахборот технологияларини кенг қўллаш ва инсон омиллини максимал қисқартириш зарурлиги таъкидланди.

Ташқи савдо ва инвестиция борасидаги ишларни самарали ташкил этишга алоҳида эътибор қаратилди. Жумладан, тўғридан-тўғри инвестициялар ва хорижий кредитларни самарали ишлатиш, уларни аниқ натижа берадиган лойиҳаларга йўналтириш, инвесторлар билан манзилли ишлаш янги босқичга олиб чиқиш бўйича топшириқлар берилди.

Шунингдек, хорижий ташрифлар чоғида эришилган қилингулар ва лойиҳаларни амалга ошириш юзасидан тизимли ишларни ташкил этиб, аниқ натижаларни таъминлаш зарурлиги кўрсатиб ўтилди.

Иқтисодиётимизнинг экспорт салоҳиятини ошириш, экспортнинг таркиби ва географиясини диверсификация қилиш, янги бозорларга чиқиш учун ташқи савдони тубдан такомиллаштириш талаб этилади. Божхона, стандарт, қарантин каби соҳаларни ислох қилиб, уларни тадбиркорга қўмакчиға айлантиришни тақозо этади.

Йиғилишда таълим, соғлиқни сақлаш, туризм ва бошқа ижтимоий соҳалардаги ислохотларни изчил давом эттириш юзасидан аниқ топшириқлар берилди.

Келгуси йилда туристлар оқимини 7,5 миллионга етказиш ва хизматлар экспортини 1,5 миллиард доллардан ошириш бу соҳадаги энг устувор вазифалиги кўрсатиб ўтилди.

Ёшларни, айниқса, қизларни оилавий ҳаётга тайёрлашга эътиборни қучайтириш зарурлиги қайд этилди. Президентимиз таъкидлаганидек, оила олдидаги масъулиятни англаш, психологик тайёргарлик ва оиладаги муносабатларни тўғри ўрнатиш, оилада соғлом муҳитни яратга олиш зарур.

Агросаноат мажмуғи кирувчи тармок ва соҳа раҳбарлари учун Қишлоқ хўжалигини ривожлантиришнинг 2020-2030 йилларга мўлжалланган стратегияси ижросини таъминлаш келгуси йил учун энг устувор вазифа бўлиб қолади. Бунда, пахта, ғалла, шолі кластерларига керакли шароитлар



яратиш, янги тизимда юзага келадиган муаммоларни мунтазам таҳлил қилиб, уларни бартараф қилиш лозимлиги кўрсатиб ўтилди.

Шунингдек, йиғилишда нефть-газ, кимё тармоқлари, энергетикани ривожлантириш, ушбу соҳаларга хусусий сектор ва инвестицияларни фаол жалб қилиш, хомашё қазиб олишни кўпайтириш бўйича зарур топшириқлар берилди.

Йиғилишда белгиланган топшириқларни тўлиқ ва сифатли амалга ошириш учун барча раҳбарлар ўз тизимида пастга тушиб, ходимлар ва ресурсларни максимал даражада сафарбар қилиши шартлиги кўрсатиб ўтилди.

Президентимиз томонидан қўтарилган масалалар юзасидан Олий Мажлис Сенати Раиси ва Қонунчилик палатаси Спикери, Бош вазир ва ҳукумат аъзолари, давлат ва жамоат ташкилотлари раҳбарлари йиғилишда сўзга чиқиб, берилган топшириқларни сифатли бажариш бўйича соҳаларда тизимли ишларни йўлга қўйишларини таъкидладилар.

## **ЎЗБЕКИСТОН РЕСПУБЛИКАСИ ПРЕЗИДЕНТИ ШАВКАТ МИРЗИЁЕВНИНГ ЎЗБЕКИСТОН ХАЛҚИГА ЯНГИ ЙИЛ ТАБРИГИ**

Азиз ватандошлар!

Мана шу қувончли лаҳзаларда сиз, азиятларни, кўп миллатли бутун халқимизни Янги йил байрами билан чин қалбимдан муборакбод этаман! Барчангизга сihat-саломатлик, оилавий бахт тилайман!

Ўтиб бораётган йил мамлакатимиз учун унутилмас воқеаларга бой бўлди. Турли қийинчилик ва синовларни ҳам бошимиздан кечирдик.

Халқимизнинг фидокорона меҳнати билан “Фаол инвестициялар ва ижтимоий ривожланиш йили”да улкан ютуқларга эришдик. Мамлакатимиз салоҳияти ва рақобатбардошлигини ошириш йўлида янги қадамлар қўйилди.

Иқтисодийтимизнинг етакчи соҳа ва тармоқлари жадал ривожланмоқда. Юқори технологияларга асосланган замонавий корхоналар, янги транспорт тизимлари ишга туширилмоқда.

Миришкор дехкон ва фермерларимиз, мураккаб об-ҳаво шароитига қарамасдан, мўл ҳосил етиштирдилар.

Кичик бизнес ва хусусий тадбиркорликка кенг йўл очилди.

Йил давомида ҳудудларда аҳоли, айниқса, ёшларимиз, хотин-қизлар учун кўплаб янги иш ўринлари яратилди.

Давлат дастурлари асосида шаҳар ва қишлоқларимиз, юртимиз қиёфаси бутунлай ўзгармоқда.

2019 йилда минг-минглаб юртдошларимиз, жумладан, кам таъминланган оилалар шинам уй-жойларга эга бўлдилар.

Илм-фан, таълим ва тарбия соҳасида туб бурилиш дари бошланди.

Янги-янги боғча ва мактаблар, олий ўқув юртлари, етакчи хорижий университетларнинг филиаллари, шифохоналар, маданият ва спорт масканлари бунёд этилмоқда.

Энг муҳими, одамларимизнинг ҳаёт даражаси, Ватан тақдирига дахлдорлик тўғриси, эртанги кунга ишончи тобора кучаймоқда.

Жамиятимизда демократия тамойиллари, очкилик ва эркинлик муҳити чуқур қарор топмоқда.

Кўни кеча Олий Мажлис ва маҳаллий Кенгашларга бўлиб ўтган сайловлар бундан яққол тасдиқлади. Сайловлар Ўзбекистон демократик тараққиёт йўлидан ортга қайтмаслигини яна бир бор исботлади.

Мустақиллигимиз, оқсоғишга ҳаётимизга кафолати бўлган Қуролли Кучларимизнинг жанговар салоҳияти мустаҳкамланмоқда.

Тинчликсевар ва амалий ташқи сиёсат олиб бораётган давлатимизнинг халқаро майдондаги обрў-эътибори ортиб бормоқда.

Мухтасар айтганда, 2019 йил янги Ўзбекистон тарихида ҳар томонлама ёрқин из қолдирмоқда.

Хурматли юртдошлар!

Биз миллий юқалишнинг муҳим босқичига қадам қўймоқдамиз.

2020 йилда ҳам иқтисодий ва ижтимоий соҳаларда кенг қўламли ислохотларимизни фаол давом эттирамиз.

Хусусий мулк, тадбиркорлик ва бизнес учун янада қулай муҳит яратишга, янги иш ўринлари ташкил этишга алоҳида аҳамият қаратамиз. Иш ҳақи, пенсия, стипендия ва нафақаларни, аҳоли реал даромадларини кўпайтириш эътиборимиз марказида бўлади.

Одамларимизнинг яшаш шароитини, коммунал-маиший хизмат сифатини яхшилаш, арзон ва қулай уй-жойлар қуриш бўйича бошланган ишларимизни янада кенгайтирамиз.

Фарзандларимизга муносиб таълим ва тарбия беришга, уларнинг қобилият ва истеъдодини рўёбга чиқаришга барча куч ва имкониятларимизни сафарбар этамиз.

Аҳоли саломатлигини мустаҳкамлаш, соғлом турмуш тарзини қарор топтиришга қаратилган ишларимиз янги босқичга кўтарилди.

Нуроний фахрийларимиз, мунис опа-сингилларимизга эътибор ва ғамхўрликни янада кучайтирамиз.

Ижтимоий ҳимоя ва қўмакка муҳтож юртдошларимизни доимий қўллаб-қувватлашга биринчи даражали аҳамият берамиз.

Тинчлик ва барқарорликни, жамиятимизда ўзаро ҳурмат ва аҳилликни мустаҳкамлаш асосий вазифамиз бўлиб қолади.

Бу борада дунё ҳамжамияти, аввало, ён қўшнилариимиз билан самарали ҳамкорликни ҳар томонлама кучайтирамиз.

Азиз юртдошларим, кадрдонларим!

2020 йил ҳар бир оила, ҳар қайси хонадонга кут-барака, бахт ва омад олиб келсин!

Барча эзгу мақсадларимиз рўёбга чиқсин!

Жонажон Ўзбекистонимиз гуллаб-яшнасин!

Янги йил барчамизга муборак бўлсин!

**Шавкат МИРЗИЁЕВ,**  
**Ўзбекистон Республикаси Президенти**



## ОТМ РЕКТОРЛАРИ ТОШКЕНТДА ЯНГИ ОЧИЛГАН ИККИТА ИХТИСОСЛАШТИРИЛГАН МАКТАБ ФАОЛИЯТИ БИЛАН ТАНИШДИЛАР

Жорий йилнинг 4 январь куни Олий ва ўрта махсус таълим вазирлиги Иномжон Мажидов бошчилигида республикадаги барча олий таълим муассасалари ректорлари, хоризжий олий таълим муассасаси филиаллари директорлари, малака ошириш тармоқ марказлари директорлари, Касбий таълимни ривожлантириш ва мувофиқлаштириш ҳудудий бошқармалари бошликларидан иборат делегация Тошкент шаҳрида ўз фаолиятини бошлаган иккита ихтисослаштирилган мактаб фаолияти билан танишди.

Олий таълим тизими делегацияси дастлаб Вазирлар Маҳкамасининг 2018 йил 3 декабрдаги фармойиши билан ташкил этилган Абдулла Қодирий номидаги ижод мактаби ва музейни бориб кўрди.

Ижод мактабда яратилган шарт-шароит ва ўқув жараёнлари билан танишиш асосида вазир олий таълим муассасалари ижод мактаблари билан яқиндан ҳамкорлик қилишга, ёш иқтидор эгаларини рағбатлантириш доимо тайёрлигини маълум қилди.

Шундан сўнг гуруҳ аъзолари Тошкент шаҳридаги яна бир янги таълим маскани — Мухаммад ал-Хоразмий номидаги ахборот-коммуникация технологиялари йўналишига оид фанларни чуқурлаштириб ўқитишга ихтисослаштирилган мактаб фаолияти билан ҳам танишдилар.

Делегация бу ерда ўқувчи иқтидорини намоён қилиш учун яратилган бутун бир мажмуа: замонавий жихозланган ўқув хоналари, илғор педтехнология ва инновацион методлардан фойдаланган ҳолда дарсларнинг олиб борилиши, дарсдан ташқари пайтда бола иқтидорини ривожлантириш учун йўлга қўйилган тизим, ўқувчилар турар жойларида кенг имкониятлар яратилганлигига гувоҳ бўлишди.

Ташриф давомида Иномжон Мажидов мактабда ўқувчи вақтини тўғри тақсимлаш ва дарс жараёнларини самарали олиб бориш, қолаверса, ўқувчининг иқтидорини рағбатлантириш мақсадида улар билан индивидуал ишлашни йўлга қўйишда олий таълим муассасалари профессор-ўқитувчилари билан яқиндан ҳамкорлик қилишни тақдиф қилди.

## УШБУ ХАФТА “АХБОРОТ ВА МУРАББИЙЛИК СОАТИ” МАШҒУЛОТЛАРИНИ МАВЗУСИДА ЎТКАЗИШ УЧУН ТАЙЁРЛАНГАН ЁРДАМЧИ МАТЕРИАЛЛАР

### МАРДЛАР ҚЎРИҚЛАЙДИ ВАТАНИНИ!!!

#### Миллий Армиямиз мустақиллигимизнинг, тинч ва осойишта хаётимизнинг мустахкам қафолатидир

**Миллий армия** – ҳар қандай давлатнинг энг муҳим институтларидан бири ҳисобланади. Ҳукукий демократик давлат ва фуқаролик жамиятини қуриш ва ривожлантириш шариатида Миллий Армиянинг давлат ва жамият ҳаётида тутган ўрни ва роли масалалари муҳим аҳамият касб этади.

Ўзбекистон Республикаси Президенти Шавкат Миразиёв алоҳида таъкидлаб ўтганидек, “Ҳозирги кунда дунёда олдиндан айтиш қийин бўлган вазият ҳукм сураётган мураккаб бир шароитда мамлакатимиз хавфсизлиги ва ҳудудий яқлиғлигини, жамиятимизда тинчлик ва тотувлиқни таъминлаш нақадар муҳим аҳамиятга эга эканини чуқур англаган ҳолда, биз 2017-2021 йилларда Ўзбекистон Республикасини ривожлантириш бўйича қабул қилинган Ҳаракатлар стратегиясида юртимиз мулофаа салоҳиятини янада мустахкамлаш ва Қуроли Кучларимизни ривожлантиришни устувор йўналишларидан бири сифатида белгиладик.”<sup>1</sup> деб, таъкидланган сўзлари **Миллий Армиямиз**, унинг **бугунги куни** ва **келажаги** учун ҳам тааллуқлидир. Чунки, ҳукукий давлат ва фуқаролик жамияти **барқарор** ҳаракатга эга бўлганда, Армиянинг вазифаси давлат чегаралари ва ҳудудини ҳимоя қилиш, унинг замонавий ҳарбий техника ва қурол-яроғ билан таъминланганлиги, шахсий таркиб **салоҳиятининг** юксак даражада бўлишини таъқозо этади.

Бугун ўтган йигирма саккиз йиллик тарихга назар ташласак, миллий армиямизнинг барпо бўлиши, мустахкамланиши ва ривожланиши Ўзбекистоннинг ўз мустақиллигини қўлга киритиши, босқичма-босқич ривожланиш жараёнлари, эришилган натижа ва ютуқлар билан **узвий боғлиқ** эканлигини ва унинг **тасдиғи сифатида** мустақиллик, хавфсизлик ва истиқболимизнинг қафолати бўлган Ўзбекистон Қуроли Кучлари томонидан бу соҳада амалга оширилган жуда катта ишлар далолат беради.

Бу қисқа, аммо қўлами ва аҳамияти жиҳатидан асрларга тенг бўлган даврда амалга оширилган ўзгаришлар ва ютуқлар ҳақида тўхталиб, унинг қуйидаги ўзига хос хусусиятларини алоҳида таъкидлаб ўтиш лозим.

**Биринчидан**, ўтган қисқа давр давомида мамлакатимизда амалга оширилган **бунёдкорлик ишлари**, шунингдек, **юртимизнинг тинчлиги** ва **осойишталигини** сақлаш, уни турли таҳдидлардан асраш, **сарҳадларимиз** дахлсизлигини таъминлаш вазифалари билан уйғунлашиб кетганлигини, аниқроқ ифодаганда эса, миллий армиямиз мамлакат мустақиллигини мустахкамловчи, халқимиз ҳаётининг осуда ва **барқарор бўлишини қафолатловчи асосий омилга** айланганлиги билан катта аҳамиятга эга.

**Иккинчидан**, Қуроли Кучларни замон талаблари асосида шакллантириш ва ривожлантириш мақсадида **амалга оширилаётган ислохотларнинг долзарблиги**, унинг моҳияти ва амалий аҳамияти нақадар залворли эканлигини ва энг муҳими унинг давлат ва жамият ҳаётидаги амалга оширилаётган **ижтимоий-сиёсий, иқтисодий** ислохотлар билан **ҳамоҳанглиги** билан белгиланади.

**Учинчидан**, мустақилликни ҳимоя қилувчи, тинчлик, осойишталикни мустахкамлашнинг муҳим **яна бир омили**, бу бугунги кунда мамлакат Қуроли Кучларни замонавий қурол-яроғ ва техника билан таъминланганлиги, **ихчам ва ҳаракатчан, замон талабларига жавоб бера олиши** билан ажралиб туради.

<sup>1</sup> Миразиёв Ш.М. Ўзбекистон Республикаси Қуроли Кучлари ташкил этилганининг 26 йиллиги ва Ватан химоячилари куни муносабати билан байрам табриғи. “Халқ сўзи” газетаси 2018 йил 13 январь.



**Тўртинчидан**, Армиямизнинг миллий ва умуминсоний қадриятлар, аждодларимизнинг тарихий жангдор анъаналарига, шунингдек, қисқа давр мобайнида биз яшаётган ўта мураккаб даврнинг ҳар қандай муаммоларини ўз вақтида ҳал қилишга қодир бўлган кучнинг яратилганлиги билан муҳимдир.

**Бешинчидан**, Қуrolли Кучларимизнинг мамлакатимиз янги Мулоффаа доктринаси асосида Марказий Осиёдаги мавжуд ҳавф-хатарлар, юртимиз тинчлиги, халқимиз оёқдаги ҳаётини буюшга қаратилган турли-туман ҳуружларни олдини олишга қаратилганлиги унинг муҳим хусусиятли томонларидан яна бирidir.

**Олтинчидан**, юртимиз ҳавфсизлиги, халқимиз тинчлиги ва мамлакатимиз истиқболини таъминлаш, миллий армиямизни мустаҳкамлашга қаратилган ислохотларни халқимиз томонидан ҳар томонлама қўллаб-қувватланганлиги катта аҳамиятга эга бўлди.

**Еттинчидан**, Қуrolли Кучларимиз вакиллари охириги уч йил, яъни 2017-2019 йилларда халқаро миёёдаги ҳарбий машқ тадбирларида фаол иштирок этаётганлиги, ҳарбий маҳоратини изчил равишда ошиб бораётганлиги, факултетада ҳолат ва қўтилмаган синовларда матонат билан тура олишга қодир бўлган ҳарбийларимизнинг жисмоний тайёргарлиги, интеллектуал салоҳияти, алоҳида руҳий-маънавий фазилатларга эгаллиги тинчлик ва барқарорлик қафолатига айланди.

Ҳар бир мамлакатнинг ижтимоий-сиёсий тизимида Армиянинг ўзига хос ўрни ва роли мавжуд бўлиб, улар маълум шарт-шароитлар, мамлакатда олиб борилаётган сиёсатнинг хусусиятларидан келиб чиққан ҳолда амалий фаолият қўратиш мезонлари ҳам ўзгариб кетиши мумкин. Чунки, Армия маълум шарт-шароитларда сиёсатнинг ҳам объекти, ҳам субъекти бўлиши мумкин.

Шунинг учун ҳам Президентимиз Шавкат Мирзиёевнинг “Ҳар қандай таҳдид ва хатарларга муносиб зарба беришга тайёр миллий армиямиз – халқимиз, мамлакатимизнинг ишончли ва мустаҳкам қалқонидир. Шунинг учун биз ҳозирги кунда ҳарбий кадрларнинг жангдор қобилияти ва тайёргарлиги билан бирга, ватанпарварлик тарбиясига жиддий аҳамият қаратаймиз. Яъни ҳар бир аскар ва сержантда, офицер ва генералда, бутун шахсий таркибда миллий рух ва ғурур, кучли бўлиши керак. Миллий рух, бу – енгилмас куч. Миллий рух кучли бўлса, ирода, жангдор салоҳият ҳам юқори бўлади. Келажақда ҳарбий бўлишни орзу қиладиган ботир фарзандларимиз миллий руҳни, муқаддас Ватан тақдирини учун масъулият туйғусини каердан олади? Ватанимиз бой тарихидан, Амир Темур каби буюк аждодларимиз жасоратидан олади. Ўз оиласи, меҳрибон ота-онаси ҳамда эл-юртимизнинг ишончи, ғамхўрлиги ва эътиборидан олади. Ёшларга ҳамиша ўрнат ва намуна бўлиб келаётган сиз каби фидойи ҳарбийлардан олади”, деб таъкидлаган сўзларида чқур маъно, мазмун ва моҳиятга эга эканлигига алоҳида эътибор қаратиб ўтиш жоиздир.

Умуман олганда, Қуrolли Кучларнинг нафақат мамлакат чегараси, сарҳадлари, халқ тинчлигини ҳимоя қилиш, балки мамлакатда кечаётган жараёнларни, ижтимоий-сиёсий, иқтисодий, маънавий-ахлоқий харақтерга эга бўлган долзарб масалаларни муваффақиятли ҳал этилишида, илмий-техника тараққиётини, шахс, жамият ва давлатнинг ҳавфсизлигини ишончли равишда таъминлаш йўлида ҳам ўз ўрни ва муҳим аҳамиятга эгаллигини кўрсатиб ўтиш зарур.

Айниқса, бугунги кунда дунёда жадаллик билан кечаётган глобал ўзгаришлар, терроризм, нарқобизнес, айрим мамлакатларнинг ички ишларига аралашш, “демократияни экспорт қилиш”, халқаро ҳуқуқ меъёрларни бузилиши каби ҳолатлар рўй бераётган бир даврда ҳарбийларнинг ватанпарварлиги, юқсак ахлоқи ва маънавияти ўта муҳим бўлган омилга айланиб бораётганлиги бежиз эмас.

Шунинг учун ҳам Ўзбекистон Республикасини ривожлантиришнинг 2017-2021 йилларга мўлжалланган Ҳарақатлар стратегияси, Ўзбекистон Президентини Шавкат Мирзиёев БМТ Бош Ассамблеясининг 72-сессиясидаги нутқи ва Ўзбекистон Республикаси Олий Мажлисига Мурожаатномаларида ҳозирда жаҳон миёёсида глобаллашув ва рақобат тобора кучайиб бораётганлиги, унинг таъсир доирасини эътиборга олиш, биз, бугунги кунда дунёда юз бораётган туб ўзгаришлар жараёнида эгаллаб турган ўрнимизни ҳолисона ва танқидий баҳолашимиз, тобора ошиб бораётган ҳаёт талабларига жавоб беришимиз, кечаётган давр билан ҳамқадам бўлишимиз, мамлакатимиз иқтисодиётини янада юқсалтириш ва халқимиз фаровонлигини ошириш шарт эканлигига алоҳида эътибор берилган.

Ҳозирги даврда, айниқса ҳуқуқий демократик давлат қуриш ва фуқаролик жамиятини ривожлантириш учун демократик ислохотларни янада чуқурлаштириш борасида аниқ мақсадга йўналтирилган ишлар олиб борилаётган шароитда миллий Армиямиз фаолиятида аниқ шакллантирилган ахлоқий қарашлар ва қадриятлар тизими зарур, деб ўйлаймиз. Уларни шартли равишда ўта соҳага: давлатчилик (ижтимоий-демократик қурилиш, халқнинг иқтисодий, сиёсий, ижтимоий, маънавий манфаатлари, унинг ҳаёти, эркинлиги ва мустақиллигини, мамлакат суверенитети ва ҳудудий аҳлиқлигини ҳимоя қилиш, Конституция ва қонуларга садоқат ва бошқалар), демократик (шахс кадр-қиммати ҳимоя қилиш, барқари Қонун олдида тенглиги, ижтимоий тенглик бўйича дахлсиз ҳуқуққа эгаллик, мамлакат фуқароларини ижтимоий ва ҳуқуқий ҳимоясини амалга ошириш ва бошқалар), ахлоқий-этиқ (Ватанга, ўз халқига муҳаббат, бошқа халқлар суверенитетига, миллий ўзига ҳослигига ҳурмат билан қараш, қабул қилинган қасамдга, фуқаролик ва ҳарбий бурчга садоқат, жангчи-фуқаро, Ватан ҳимоясис ор-номуси ва кадр-қимматини сақлаш, ўз шахсий виждони, дўстлик ва аскарлар биродарлиги, унвони ва ёши улуғларга ҳурмат, аёлларга эҳтиром, ўз миллий маданиятини ҳурмат қилиш, авлодларнинг урф-одатлари ва анъаналарини, Ватан тарихини кўз қорачигидек асраш ва бошқалар) бўлиш мумкин.

Юқорида таъкидланган хусусиятлар Армиямиз ҳаётида, ҳарбийларимиз фаолиятида ва келажақда Ватан сарҳадларини қўриқлайдиган ёшларнинг

2. Мирзиёев Ш.М. Миллий Армия ва халқимиз қанча ақин, бир тану бир жон бўлса, шунча қудратли бўлади//“Халқ сўзи” газетаси 2018 йил 13 январь.



ватанпарварлиги, шахсий масъулияти ва мардлигида ўз ифодасини топишига ишонамиз.

Президент Шавкат Мирзиёевнинг Ўзбекистон Республикаси Конституциясининг 27 йиллигига бағишланган тантанали маросимдаги “Конституция ва қонун устуворлиги – ҳуқуқий демократик давлат ва фуқаролик жамиятининг энг муҳим мезонидир” номли маърузасида: “Барчамизга яхши маълумки, ҳозирги кунда дунё шиддат билан ўзгармоқда. Инсониятнинг тақдири ва келажагига таҳдид солаётган хавф-хатарлар тобора кучайиб бормоқда.

Жаҳон миқёсида шафқатсиз рақобат, турли зиддият ва қарама-қаршиликлар, савдо урушлари ғоят кескин тус олмоқда.

Мана шундай мураккаб шароитда биз фақат халқимизнинг ақл-заковати, буқилмас иродаси ва салоҳиятига, ўз куч ва имкониятларимизга таяниб, айни вақтда дунё ҳамжамияти билан ҳамкор бўлиб, дадил олдига боришимиз шарт.”<sup>3</sup>, деган сўзлари заминда мустақилликни, миллий хавфсизлигимизни, юртимиз тинчлигини кўз қорачигидек асрашга қаратилган буюк даъват ётибди.

### **МАРДЛАР КЎРИКЛАЙДИ ВАТАНИ**

Ўзбекистондек жаннат макон, гўзал ва бетакрор диёримизнинг дунёга танилишида Миллий Куролли Кучларимизнинг салмокли ўрни бор. Мамлакатимиз тинчлиги, хавфсизлигини таъминлаш, тараққиёти ва фаровонлиги йўлида Куролли Кучларимиз хизматчилари зобит ва аскарлари қону – тун зийраклик билан Мамлакатимиз сарҳадларини кўрикламоқдалар. Ватанни химоя қилиш асрлар давомида шаклланиб келган. Мустақилликка эришган қуниимиздан бошлаб буюк соҳибқирон Амир Темур бобомизнинг “тузуқлари” асосида алп қоматли йигитларимиз шараф деб билган Миллий Армиямиз ҳар жиҳатдан мустаҳкамланди. Замонавий қурол яроғларни моҳирлик билан бошқарадиган билимдон хизматчилар билан таъминланган қўшин турлари шаклланди. Ҳарбий хизматчиларимизга ҳукуматимиз томонидан чексиз ғамхўрликлар қилинмоқда.

Миллий Армиямиз замонавий ҳарбий машиналар ҳамда энг сўнги русумдаги қурол аслаҳалар билан таъминланмоқда. Жисмонан чиниққан, ҳаракатчан маҳоратли мутахассис кадрлар тайёрлашга алоҳида эътибор берилмоқда.

Ҳозирда ҳар бир мард ўғлон Миллий Армиямиз сафида хизмат қилишга юксак ишонч ва хоҳиш билдирмоқда. Чунки Мустақиллик нёмагларини тушуниб етмоқдалар. Куролли Кучларда хизмат қилишни ўзлари учун шараф деб билмоқдалар, уларнинг ота – оналари эса фарзандининг Ватан химоячиси бўлганидан фахрланмоқдалар.

<sup>3</sup> Мирзиёев Ш.М. “Конституция ва қонун устуворлиги – ҳуқуқий демократик давлат ва фуқаролик жамиятининг энг муҳим мезонидир”. Ўзбекистон Республикаси Конституциясининг 27 йиллигига бағишланган тантанали маросимдаги маъруза // Халқ сўзи, 2019 йил, 9 декабрь.

Озод ва обод бетакрор гўзал Ватанимизнинг тинчлиги, ободлиги, фаровонлиги йўлида хизмат қилаётган мард ўғлонларимизни Аллоҳ таоло ўзи паноҳида асрасин. Мустақиллигимизни ёмон кўзлардан сакласин, зеро мардлар кўриклайди Ватанни.

*Азиз юртимиз ўз мустақиллигига эришиб, ота-боболаримизнинг азалий орзу-умидлари рўёбга чиқди. Истибод исқанжасидан озод бўлиб, миллатнинг том мавнода эзлишига, ҳуқуқлари поймол этилиб, ҳар томонлама камситилишига чек қўйилди. Мустақиллик широфати сабаб бузғун юртимиз обод, оилаларимиз тинч. Ватанга муҳаббат ҳар бир инсонга хос тўйғудир.*

Маълумки, муқаддас динимизда Ватан химояси масаласига жиддий эътибор берилган. Пайғамбаримиз Муҳаммад (с.а.в) эрта тонгда ва кеч тушганда Аллоҳ таолодан посбонлар ва химоячилар ҳақларига кўп дуолар қилганлар.

Чиндан ҳам, юртимиз, қолаверса, бутун дунё тарихига бир назар солсак, Ватанга муҳаббат туйғуларини ривожланган жойда ҳар тарафлама бунёдкорлик, ободончилик, тўқинлик, мўл-кўллик ва фаровон турмушнинг гувоҳи бўламиз. Умар ибн Ҳаттоб (розияллоху анху): «Аллоҳ таоло юртларни Ватан муҳаббати билан обод қилди», деганлар. Ва яна: «Агар Ватан муҳаббати бўлмаганда юртлар ҳароб бўларди», деганлар.

Зотан, инсоннинг ўз Ватанига, яшаб турган гўшасига меҳр-муҳаббати бўлмаса, ҳеч қачон ўзи яшаб турган жойда ҳар тарафлама қулай шарт-шароитлар ва имкониятлар бўлишига эътибор бермайди. Бундай инсонлар учун нафақат Ватан туйғуси, балки бошқа барча ижобий ҳиссиёт ва муқаддас туйғулар бегонадир. Бундайлар учун Ватан деган тушунчанинг ҳеч қандай аҳамияти йўқ. Бу ҳолат эса бизнинг шариятимизда қаттиқ қораланади. Аксинча, динимизда Ватан ва унга боғлиқ бўлган қадриятларни асраб-авайлаш, химоя қилиш мадҳ этилади, ҳатто бу борада қилинган ҳаракатлар ва шу йўлда жон фидо қилиш охиратда буюк мақомларга эришиш учун восита экани зикр қилинади.

Шайх Муҳаммад Ғаззолий айтган эканлар: Инсон ўзи туғилиб-ўсган юртни, ундаги барча нарсаларни севади, гарчи у жой одам яшамайдиган саҳро бўлса ҳам. Ватанни севиш инсон қалбидagi асл, туғма табиатдир. Ушбу туғма табиат инсонни ватанида яшаб турганда хотиржам қилади, ундan йироқда бўлганда эса соғинтиради, унга ҳужум қилинганда уни химоя қиладиган, хурматсизлик қилинганда ғазабланадиган қилиб қўяди.

Имом Ғаззолий ушбу ҳикматли сўзларидан Ватанни севиш инсоннинг туғма табиати, инсонийлик фитратига бор хислат экани маълум бўлади.

Яна бир тоифалар борки, уларнинг қалбига Аллоҳ таоло Ватан муҳаббатини солиб қўйган. Улар ана шу муҳаббатнинг натижаси ўларок ҳаракат қилади. Уларнинг мазкур ҳаракати, жонқуялиги, ғайрат-шижоати тўғйили, аввало, ўзининг оиласи, яшаб турган хонадон ҳар тарафлама обод бўлади, ташки ҳужум ва таъжовузлардан химояланган бўлади. Бу ерда Ватанни, юртни обод қилиш деганда фақатгина зоҳирий, моддий ва молиявий ободликни назарда тутмаслик керак. Том маънодаги ободлик,



аввало, маънавий, ахлокий, тарбиявий бўлади, чунки инсоннинг асли мукаррамлиги ҳам унинг маънавияти, ахлоқ-одобига тегишлидир.

*Ватан ҳимояси – олий бурч, юксак масъулиятдир. Зотан, Ватанни мардлар қўриқлайди. Ватан ҳимояси, муҳофаази йўлида хизмат қилишни шараф ва ифтихор деб билиш лозим. Бу ҳақда, яъни Ватанни ҳимоя қилиш тўғрисида динимизда қандай кўрсатмалар баён этилган?*

Пайғамбаримиз Муҳаммад (соллаллоху алайҳи ва саллам) марҳамат қилиб, бундай деганлар:

*“Молини, жонини, динини ва ахлу аёлини ҳимоя қилиш йўлида ҳалок бўлган киши шахидлик макomini топув” (Имом Термизий ривоят қилган).*

Ушбу ҳадисда моли, жони, дини ва ахлу аёлини ҳимоя қилишнинг нақадар улуғлиги таъкидланмоқда. Инсон Ватан деганда, аввало, шуларни тушунмайдими? Албатта, Ватан деганда зоҳиран инсоннинг ахли аёли, фарзанду зурриётлари, мол-дунёси ва жонининг ҳимояси тўлиқ таъминланган жой тушунилади. Шунинг учун ҳадиси шарифда ўзининг бутун борлиги, дин-диёнати ва барча кадр-қийматга эга бўлган нарсаларини ҳимоя қилиш йўлида жон фидо қилиш шахидлик макомига эриштирувчи воситаларидан бири, деб таърифланмоқда. Бу эса ҳар бир йигитни ватанпарварликка, она юрт учун фидокор фарзанд бўлишга чақиради.

Яна бир ҳадисда бундай марҳамат қилинган:

*“Қимки Аллох йўлида бир кун ёки бир кеча чегара пойласа, унга бир ой қундузи рўза тутиб, кечаси ибодат қилганлик савоби ёзилади. Қимки сарҳадни кўриқлаб турганда ҳалок бўлса, унга ҳам худди шундай ажру савоб мукофоти бўлади ва шахидлик макоми берилиб, барча фитналардан омонда бўлади” (Имом Насоий ривоят қилган).*

Бу ҳадиси шарифда Ватанпарварликка янада аниқ ва муфассалроқ тарғибот ва ташвиқот маънолари бор. Қолаверса, мазкур ишлар ибодатларнинг энг савоби кўпроғи бўлмиш тунги ибодатларга қиёс қилинаётти.

Бошқа бир ҳадисда Пайғамбаримиз Муҳаммад (соллаллоху алайҳи ва саллам): *“Икки кўзга дўзах ўти тегмайди: Аллоҳдан кўриқиб йиғлаган кўзга ва Аллоҳнинг йўлида кўриқчилик қилган кўзга”*, деганлар.

Чегара ва сарҳадлар хавфсизлигини таъминлаш учун сергак турган аскар барча юртдошларини тинч-хотиржамликда, осойишталикда дам олиб, роҳатланишлари учун бедор бўлади. Шунингдек, ана шундай Ватан хизматида турган ҳолатда ҳалок бўлганларга шахидлик макоми берилиши, уларнинг ҳар хил фитналардан омонда бўлиши қафолатланмоқда.

Барчамизни Ватанига садоқатли, эл-юрти, халқи ҳамда дини йўлида хизмат қиладиган ҳақиқий ватанпарвар бўлиб яшаш бахтига муваффақ айласин.